

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst (Službene novine Zeničko-dobojskog kantona”, broj 7/10) Vlada Zeničko-dobojskog kantona, na prijedlog Ministarstva za rad, socijalnu politiku i izbjeglice, na 113. sjednici održanoj dana 13.06.2013. godine, d o n o s i

ZAKLJUČAK

I.

Utvrđuje se prijedlog Odluke o osnivanju Javne ustanove „Penzionerski dom sa stacionarom“ Zeničko-dobojskog kantona.

II.

Prijedlog Odluke iz tačke I ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/13
Datum, 13.06.2013. godine
Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

1x Stručna služba Skupštine

1x Ministarstvo za rad, socijalnu politiku i izbjeglice

1x a/a

Na osnovu člana 37. stav (1) tačka f) Ustava Zeničko-dobojskog kantona, u vezi sa članom 6. Zakona o ustanovama („Sl. list R BiH“, broj: 6/92, 8/93 i 13/94), i članom 94. stav (3) Zakona o zdravstvenoj zaštiti („Sl. novine F BiH“, broj 46/10), Skupština Zeničko-dobojskog kantona na ____ sjednici održanoj dana ____2013. godine, d o n o s i

O D L U K U

O OSNIVANJU JAVNE USTANOVE „PENZIONERSKI DOM SA STACIONAROM“ ZENIČKO-DOBOJSKOG KANTONA

DIO PRVI - OPĆE ODREDBE

Član 1. (Predmet)

Ovom odlukom Skupština Zeničko-dobojskog kantona osniva Javnu ustanovu „Penzionerski dom sa stacionarom“ Zeničko-dobojskog kantona (u daljem tekstu: Javna ustanova).

Član 2. (Sadržaj)

Odlukom o osnivanju Javne ustanove uređuje se:

- a) naziv osnivača,
- b) naziv i sjedište Javne ustanove,
- c) djelatnost,
- d) sredstva,
- e) prava, obaveze i odgovornost u pravnom prometu,
- f) imenovanje organa upravljanja, rukovođenja i kontrole poslovanja,
- g) rok za donošenje pravila,
- h) druga pitanja od značaja za rad.

DIO DRUGI – NAZIV I SJEDIŠTE

Član 3. (Naziv)

(1) Javna ustanova posluje pod nazivom „Penzionerski dom sa stacionarom“ Zeničko-dobojskog kantona.

(2) Skraćeni naziv Javne ustanove je: JU „Penzionerski dom“ Ze-do kantona.

Član 4. (Sjedište)

Sjedište Javne ustanove je u Zenici, ulica Prve zeničke brigade broj 1 d.

Član 5.
(Pravni status)

- (1) Javna ustanova stiče svojstvo pravnog lica danom upisa u sudski registar.
- (2) Javna ustanova ima pečat i štambilj čiji se oblik i sadržina utvrđuju Statutom Javne ustanove.

DIO TREĆI – NAZIV OSNIVAČA I DJELATNOST

Član 6.
(Osnivač)

Osnivač Javne ustanove je Zeničko-dobojski kanton (u daljem tekstu: Osnivač).

Član 7.
(Djelatnost)

(1) Javna ustanova obavlja djelatnost socijalne zaštite u ustanovi sa smještajem, što uključuje određeni stepen zdravstvene njege za osobe zbrinute i smještene u ovoj ustanovi, kao i za osobe kod kojih je završeno liječenje u zdravstvenim ustanovama.

(2) U skladu sa Odlukom o klasifikaciji djelatnosti Bosne i Hercegovine („Sl.glasnik BiH“, broj 47/10), djelatnost iz stava (1) ovog člana obuhvata područja i to:

- 87.10 – djelatnosti ustanova sa smještajem koje uključuju određeni stepen zdravstvene njege;
- 55.90 – ostali smještaj;
- 56.10 - djelatnost restorana i ostalih objekata za pripremu i usluživanje hrane.

(3) Ministarstvo zdravstva Zeničko-dobojskog kantona će na zahtjev Javne ustanove donijeti akt kojim će utvrditi postojanje uslova za obavljanje usluga određenog stepena zdravstvene njege u pogledu prostora, opreme i kadra.

DIO ČETVRTI- SREDSTVA

Član 8.
(Sredstva za osnivanje i rad)

(1) Osnovni kapital Javne ustanove u visini od 50.000,00KM (pedesethiljada KM) osigurat će se iz Budžeta Zeničko-dobojskog kantona.

(2) Sredstva za rad Javna ustanova stiče iz učešća korisnika u pokriću dijela ili ukupnih troškova usluga Javne ustanove, budžeta Osnivača, po osnovu ugovora sa Zavodom zdravstvenog osiguranja, te drugih izvora.

Član 9.
(Raspolaganje prihodima i rashodima)

Višak prihoda nad rashodima Javne ustanove, uz saglasnost Osnivača, koristi se za obavljanje i razvoj djelatnosti zbog koje je osnovana.

DIO PETI – PRAVA, OBAVEZE I ODGOVORNOSTI U PRAVNOM PROMETU

Član 10. (Odgovornost za obaveze)

- (1) U pravnom prometu sa trećim licem Javna ustanova zaključuje ugovore i vrši druge pravne poslove u okviru registrovane djelatnosti.
- (2) Za preuzete obaveze u pravnom prometu Javna ustanova odgovara imovinom kojom raspolaze.
- (3) Osnivač ne odgovara za obaveze Javne ustanove.

DIO ŠESTI – ORGANI I OPĆI AKTI JAVNE USTANOVE

Član 11. (Organi Javne ustanove)

Organi Javne ustanove su:

1. Upravni odbor,
2. Nadzorni odbor i
3. Direktor.

Član 12. (Upravljanje)

- (1) Organ upravljanja Javnom ustanovom je Upravni odbor.
- (2) Upravni odbor ima pet članova i čine ga predstavnici osnivača – jedan član, predstavnici zaposlenih u Javnoj ustanovi - dva člana, dok se preostali članovi biraju sa liste ostalih prijavljenih kandidata na javni oglas.
- (3) Predsjednika i članove upravnog odbora imenuje Vlada Zeničko-dobojskog kantona (u daljem tekstu: Vlada) na period od četiri (4) godine i mogu biti ponovo imenovani.

Član 13. (Djelokrug rada)

Upravni odbor donosi Statut Javne ustanove, imenuje i razrješava direktora uz saglasnost Vlade, utvrđuje planove rada i razvoja, utvrđuje godišnji program rada, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji poslova i druge opće akte u skladu sa zakonom i Statutom Javne ustanove, odlučuje o svim pitanjima obavljanja djelatnosti radi kojih je javna ustanova osnovana, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog pravilima javne ustanove, osnivaču najmanje jedanput godišnje podnosi izvještaj o poslovanju Javne ustanove, vrši i druge poslove, u skladu sa zakonom i Statutom Javne ustanove.

Član 14.
(Kontrola poslovanja)

- (1) Organ kontrole poslovanja javnom ustanovom je Nadzorni odbor.
- (2) Nadzorni odbor ima tri člana, od kojih se jedan imenuje iz reda zaposlenih, dok se preostali članovi biraju sa liste ostalih prijavljenih kandidata na javni oglas.
- (3) Predsjednika i članove nadzornog odbora imenuje Vlada.
- (4) Nadzorni odbor obavlja poslove i zadatke u skladu sa zakonom i Statutom Javne ustanove.

Član 15.
(Rukovođenje)

- (1) Direktor je organ rukovođenja Javnom ustanovom.
- (2) Direktora Javne ustanove imenuje Upravni odbor na osnovu javnog konkursa, uz saglasnost Vlade na period od četiri (4) godine i može biti ponovo imenovan.
- (3) Direktor obavlja poslove i zadatke u skladu sa zakonom i Statutom Javne ustanove.

Član 16.
(Pravila ustanove)

(1) Osnovni opći akt Javne ustanove je Statut Javne ustanove, a ustanova može imati i druge opće akte u skladu sa zakonom i Statutom.

(2) Statut Javne ustanove sadrži odredbe o: nazivu i sjedištu Javne ustanove, Osnivaču, obavezama ustanove prema Osnivaču, djelatnosti ustanove i o načinu i uslovima obavljanja te djelatnosti, odnosu prema korisnicima usluga, statusnim promjenama, načinu raspoređivanja sredstava za rad, imenovanju i razrješavanju direktora, drugim organima ustanove i njihovim pravima, obavezama i odgovornostima, uslovima i načinu njihovog izbora i razrješnja, općim aktima koji se donose u ustanovi i načinu njihovog donošenja, načinu ostvarivanja javnosti rada, drugim pitanjima utvrđenim zakonom i druge odredbe od značaja za rad ustanove i za ostvarivanje prava, obaveza i odgovornosti zaposlenika ustanove.

DIO SEDMI – PRELAZNE I ZAVRŠNE ODREDBE

Član 17.
(Privremeno imenovanje upravnog odbora i direktora)

Vlada Kantona će u roku od 15 (petnaest) dana od dana stupanja na snagu ove odluke imenovati upravni odbor i vršioca dužnosti direktora Javne ustanove na kraći period utvrđen zakonom, a najduže do konačnog imenovanja na ove pozicije.

Član 18.
(Donošenje pravila)

Upravni odbor iz člana 17. ove odluke će u roku od 15 (petnaest) dana od dana imenovanja donijeti Statut Javne ustanove.

Član 19.
(Upis u sudski registar)

Vršilac dužnosti direktora Javne ustanove dužan je preduzeti sve potrebne radnje za upis Javne ustanove u sudski registar.

Član 20.
(Ravnopravnost spolova)

Gramatička terminologija u ovoj odluci podrazumjeva uključivanje oba spola.

Član 21.
(Objavljivanje i stupanje na snagu)

Odluka stupa na snagu narednog dana od dana objavljivanja u “Službenim novinama Zeničko-dobojskog kantona”.

Broj: _____/13
Datum, ___ juni 2013. godine
Z e n i c a

PREDSJEDAVAJUĆI

Sretko Radišić s.r.